

咏物詩選

五之六

樂部

巧藝部

器用部

雜玩部

玉帛部

冠服部

飲食部


果部

穀部

蔬部

~~48  
4~~

逍遙文庫  
文庫6  
1055  
4





咏物詩選卷第五目錄

樂部

歌

又

和人聽歌

舞

又

應令咏舞

周員外席上觀柘枝

魏塘俞 琰長仁輯

唐李嶠

唐王貞白

唐崔珣

唐李嶠

隋楊暉

隋王訓

唐張祐



咏物詩選卷第五目錄

二

數陪李梓州泛江有女樂在諸舫唐杜甫

又唐杜甫

與牛家妓樂雨夜合宴唐白居易

鐘唐李嶠

遠寺鐘唐李嘉祐

鼓唐李嶠

琴唐潘緯

又唐孫氏

聽趙秀才彈琴唐韋莊

聞琴宋蔡襄

風琴唐僧貫休

聽胡琴唐劉長卿

瑤瑟唐温庭筠

錦瑟唐李商隱

湘靈鼓瑟唐錢起

箏唐李嶠

觀搗箏唐王灣

聞鄰家理箏唐徐安貞

夜箏唐白居易

琵琶唐太宗

文庫6  
1055  
4

又

明常倫

又

唐白居易

夜聽琵琶

明石沆

聽彈箏篴

唐裴說

笙

唐羅鄴

銀河吹笙

唐李商隱

聽鄰家吹笙

唐郎士元

聞吹簫

明施漸

吹笛

唐杜甫

宿巴陵聞笛

明王偁

春夜洛城聞笛

唐李白

秋夜聞笛

元薩都刺

胡笳曲

唐王昌齡

邊上胡笳

唐杜牧

聽曉角

唐李益

晚泊潤州聞角

唐李涉

江宿聞盧管

唐鄭谷

木魚

明瞿佑

拍板

唐朱灣

方響

唐杜牧

永初寺吳家五目錄

聞方響

元王暉

風箏

唐司空曙

又

唐高駢

檐馬

明瞿佑

樂部附錄

宿瑩公禪房聞梵

唐李頎

秋夜北山精舍觀體如師梵

唐劉長卿

府試中元節觀道流步虛

唐殷堯泰

巧藝部

題王右丞山水障子

唐張祜

又

唐張祜

題千里山水長幅

元鄧文原

題可老所藏徐明叔畫卷

宋朱子

題畫

明劉球

千里江山圖

金李俊民

題山水卷

元錢選

蜀道畫圖

唐杜甫

襄陽圖

唐徐安貞

金陵圖

唐韋莊

片雲圖

唐岑參

水墨松石

唐方干

畫松

唐僧景雲

題喬夫人墨竹

金元好問

題畫蘭

明文徵明

扇上畫牡丹

唐羅隱

題扇面荷花

明曹鼎

寫真

唐僧淡交

題唐六如紅拂妓

明文徵明

門神

附張劭

畫鶴

唐宋之問

西洋畫

附沈又彭

觀棋

唐釋子蘭

觀弈

明吳寬

官莊池觀競渡

唐儲光羲

鞦韆

宋洪覺範

又

明謝遷

蹴鞠

明錢福

踢球

明馬如玉

傀儡唸

唐玄宗

影戲

明瞿佑

器用部

銅儀

元 揭傒斯

寒漏

唐 皇甫冉

尚書郎上直聞春漏

唐 杜牧

謝許鍊師惠圖書

明 危進

題印囊

唐 皮日休

車

唐 李嶠

和李秋谷平章小車詩

元 虞集

舟

唐 李嶠

採蓮舟

明 瞿佑

放舟

唐 杜甫

秋夜泛舟

唐 劉方平

秋夜船行

唐 嚴維

夜泛

明 黎淳

夜船

唐 韓偓

小舫

唐 白居易

憶釣舟

唐 吳融

帆

唐 皇甫冉

江帆

唐 羅鄴

使風

唐 韓偓

賦杼送人

唐包何

中和節詔賜公卿尺

唐裴度

屏

唐袁恕已

寒林石屏風

唐僧無悶

帷

唐李嶠

簾

唐李嶠

又

唐萬楚

又

唐羅隱

琉璃簾

元馬祖常

獲周豐鼎見博古圖

元趙孟頫

香鴨

唐徐寅

別春爐

唐白居易

手爐

附張劭

燈

唐李商隱

又

唐鄭谷

又

唐徐寅

又

唐韓偓

書燈

元謝宗可

書舍寒燈

元葉顥

蓮燈

元謝宗可



水燈

元謝宗可

走馬燈

元謝宗可

鬪鷄燈

明瞿佑

鞋燈

明瞿佑

燈花

唐韓愈

又

元謝宗可

挑燈杖

唐駱賓王

燭

唐太宗

蠟燭

唐鄭谷

燭剪

附張劬

線香

明瞿佑

魏城馬南瑞以異香見遺為賦

元毛麾

香桌

明瞿佑

木炭

明朱之蕃

烟

唐徐寅

遠煙

唐僧處默

南至日隔仗望含元殿爐煙

唐崔立之

烟火戲

明瞿佑

鏡

唐姚合

古鏡

唐闕名

又

唐 僧若虛

對鏡

金 完顏疇

扇

唐 李嶠

又

唐 徐寅

摺疊扇

明 瞿佑

牀

唐 李嶠

白角簟

唐 羅鄴

席

唐 李嶠

決明甘菊花

明 朱之蕃

蒲團

附 張劭

龍杖

元 謝宗可

紅藤杖

唐 白居易

湘竹杖寄無住

元 宋 无

水晶念珠

唐 曹 松

竹夫人

元 謝宗可

錫婆

明 瞿佑

織錦機

明 瞿佑

熨衣斗

明 瞿佑

擣衣石

明 瞿佑

間砧

金 鄺 權

剪刀

唐徐寅

又

明瞿佑

茶鐺

明瞿佑

題真上人竹茶爐

明王紱

貢餘祕色茶盞

唐徐寅

山樽

唐李白

螺杯

元謝宗可

夜光杯

明朱之蕃

酒旗

元謝宗可

藥鼎

明瞿佑

藥臼

明沈周

花瓶

明瞿佑

錢篋

明瞿佑

象牙梳

明瞿佑

眼鏡

附張劭

水晶環

唐羅維

碧甸指環

明瞿佑

玉指環

附張劭

斧

明解縉

鋸子

明解縉

釣絲

元謝宗可

花幡

附張劭

青

唐荆冬倩

胭脂

元謝宗可

煙筒

附陳業

雜玩部

鰲山

明瞿佑

觀鰲山

明唐寅

骰子

明瞿佑

又

明馬相蘭

雙陸

元謝宗可

紙鳶

元謝宗可

又

附張劭

泥孩兒

附魏允札

戲咏不倒翁

附吳偉業

繭虎

附吳偉業

繭花

附張劭

爆竹

明黎淳

咏物詩選卷第五目錄終

咏物詩選卷五目錄

七

咏物詩選卷第五

魏塘俞 琰長仁輯

樂部

歌

唐李嶠

漢帝臨汾水。周郎去洛濱。郢中唵白雪。梁上繞飛塵。響發行雲住。聲隨子夜新。願君聽扣角。當自識賢臣。

又

唐王貞白

誰倡關西曲。寂寞夜景深。一聲長在耳。萬恨重經心。調古清風起。曲終涼月沉。却應筵上客。未必是知音。

和人聽歌

唐崔珣

駐在作

紅臉初分翠黛愁。錦筵歌板拍清秋。一樓春雪和塵落。  
午夜寒泉帶雨流。座上美人。心盡死尊前。旅客淚難收。  
莫辭更送劉郎酒。百斛明珠異日酬。

舞

唐李嶠

妓一作舞

妓伎遊金谷。佳人滿石城。霞衣席上轉。花袖雪前明。儀  
鳳諧清曲。迴鸞應雅聲。非君一顧重。誰賞素腰輕。

又

隋楊暉

紅顏自燕趙。妙妓邁陽阿。就行齊逐唱。赴節暗相和。折  
腰送餘曲。斂袖待新歌。嚔容生翠羽。曼睇出橫波。雖稱  
趙飛燕。比此詎成多。

應令咏舞

隋王訓

新粧本絕世。妙舞亦如僊。傾腰逐韻管。斂衽聽張絃。袖  
輕風易入。釵重步難前。笑態千金重。衣香十里傳。將持  
比飛燕。定當誰可憐。

周員外席上觀柘枝

唐張祐

畫鼓拖環錦臂攘。小娥雙換舞衣裳。金絲蹙霧紅衫薄。  
銀蔓垂花紫帶長。鸞影乍迴頭並舉。鳳聲初歇翅齊張。  
一時歛腕招殘拍。斜斂輕身拜玉郎。

數陪李梓州泛江。有女樂在諸舫。戲為艷曲二首。

唐杜甫

上客迴空騎。佳人滿近船。江清歌扇底。野曠舞衣前。玉  
袖凌風並。金壺隱浪偏。競將明媚色。偷眼艷陽天。

又

白日移歌袖。青霄近笛牀。翠眉縈度曲。雲鬢儼分行。立  
馬千山暮。迴舟一水香。使君自有婦。莫學野鴛鴦。

與牛家妓樂雨夜合宴

唐白居易

玉管清絃聲。旖旎翠釵紅袖坐。參差兩家合奏洞房夜。  
八月連陰秋雨時。歌臉有情凝睇久。舞腰無力轉裙遲。  
人間歡樂無過此。上界西方即不知。

鐘

唐李嶠

徹作  
擊  
長待  
長作  
常

既接南鄰磬。還隨北里笙。平陵通曙響。長樂徹宵聲。秋  
至含霜動。春歸應律鳴。欲知長待扣。金篴有餘清。

遠寺鐘

唐李嘉祐

疎鐘何處來。度竹兼拂水。漸逐微風聲。依依稀在耳。

鼓

唐李嶠

舜日諧叢響。堯年韻土聲。向樓疑吹擊。震谷似雷驚。僊  
鶴排門起。靈鼉帶水鳴。樂云行已奏。禮曰冀相成。

琴

唐潘緯

客來鳴素琴。惆悵對遺音。一曲起于古。幾人聽到今。晝  
寒風靄遠。日泛月煙深。夙續水山操。坐生方外心。

又

玉指朱絃軋復清。湘妃愁怨最難聽。初疑颯颯涼風動。又似蕭蕭暮雨零。近若流泉來碧嶂。遠如玄鶴下青冥。夜深彈罷堪惆悵。霧溼叢蘭月滿庭。

唐孫氏

聽趙秀才彈琴

唐韋莊

滿匣冰泉咽又鳴。玉音閒澹入神清。巫山夜雨絃中起。湘水晴波指下生。蜂簇野花陰細韻。蟬移高柳迸殘聲。不須更奏幽蘭曲。卓氏門前月正明。

夢遊洛中

宋蔡襄

脩竹蕭蕭曲檻前。清泉瀲灩小池邊。琴中一弄履霜操。

送

人靜當庭月正圓。

風琴

唐僧貫休

至竟心為造化功。一枝青竹四絃風。寥寥雙耳更深後。如在緱山明月中。

聽胡琴

唐劉長卿

文姬留此曲千載。一知音不解胡人語。空愁楚客心聲。隨邊草動意入隴雲深。何事長江上。還聞出塞唸。

瑤琴

唐温庭筠

冰簟銀牀夢不成。碧天如水夜雲輕。鴈聲遠過瀟湘去。十二樓中月自明。



錦瑟

唐李商隱

錦瑟無端五十絃。一絃一柱思華年。莊生曉夢迷蝴蝶。望帝春心托杜鵑。滄海月明珠有淚。藍田日暖玉生烟。此情可待成追憶。只是當時已惘然。

湘靈鼓瑟

唐錢起

善撫雲和瑟。常聞帝子靈。馮夸空自舞。楚客不堪聽。逸韻諧金石。清音發杳冥。蒼梧來怨慕。白芷動芳馨。流水纏湘浦。悲風過洞庭。曲終人不見。江上數峰青。

箏

唐李嶠

豫州芳宴設。游楚妙彈開。新曲帳中發。清音指下來。鈿

撫一作鼓帝一作嘗

聞箏

王稚欽

花月可憐春。房櫳映玉人。思繁纖指亂。愁劇翠蛾頻。甲授色歌頻。夢留宵態轉。新曲終仍自叙。家世本西秦。

裝模六律。柱列配三才。莫聽西秦奏。箏箏有剩哀。

觀搗箏

唐王灣

虛空有秦箏。箏箏新月復清絃。多弄委曲。柱促語分明。曉怨凝繁手。春嬌入慢聲。近來唯此曲。傳得美人情。

聞鄰家理箏

唐徐安貞

北斗橫天夜欲闌。愁人倚月思無端。忽聞畫閣秦箏逸。知是鄰家趙女彈。曲成虛憶青蛾斂。調急遙憐玉指寒。銀鎖重關聽未闕。不如眠去夢中看。

夜箏

唐白居易

紫袖紅絃明月中。自彈自感暗低容。絃凝指咽聲停處。

里作重  
可乎

別有深情一萬里

琵琶

唐太宗

映作  
賦

半月無雙影。金花有四時。摧藏千里態。掩抑幾重悲。促節繁紅袖。清音滿翠帷。快彈風響急。緩曲釧聲遲。空餘關隴恨。因此代相思。

又

明常倫

紅袖揮金撥。朱顏倚玉肩。團圓懷夜月。幽咽寫春泉。白雪調終宴。青雲過遠天。悠悠時斷續。引興似當年。

又

唐白居易

絃清撥刺語錚錚。背却殘燈就月明。賴是心無惆悵事。

不然爭奈子絃聲

夜聽琵琶

明石沅

娉婷少婦未關愁。清夜琵琶上小樓。裂帛一聲江月白。碧雲飛起四山秋。

聽彈箏篴

唐裴說

箏篴二十五絲絃。漢武當年應節宣。今夜月明雙指下。雲天朱字遇神僊。

笙

唐羅鄴

筠管參差排鳳翅。月堂淒切勝龍吟。最宜輕動纖纖玉。醉送當觀灑灑金。絳嶺獨能徵妙曲。羸臺相並吹清音。

好將宮徵陪歌扇。莫遣新聲鄭衛侵。

銀河吹笙

唐李商隱

悵望銀河吹玉笙。樓寒院冷接平明。重衾幽夢他年斷。別樹羈雌昨夜驚。月榭故香因雨發。風簾殘燭隔霜清。不須浪作緱山意。湘瑟秦簫自有情。

聽鄰家吹笙

唐郎士元

鳳吹聲如隔彩霞。不知牆外是誰家。重門深鎖無尋處。疑有碧桃千萬花。

聞吹簫

明施漸

夜半聞簫莫問誰。急將幽意向人吹。秋風不與閒心會。

萬樹可

祇有窗前明月知。

吹笛

唐杜甫

吹笛秋山風月清。誰家巧作斷腸聲。風飄律呂相和切。月傍關山幾處明。胡騎中宵堪北走。武陵一曲想南征。故園楊柳今搖落。安得愁中却盡生。

宿巴陵聞笛

明王偁

玉笛飄殘月下聲。空江秋日思冥冥。怪來楊柳移關塞。可是梅花落洞庭。半夜旅情隨調切。誰家少婦倚樓聽。曉來更覓龍吟處。一點君山水面青。

春夜洛城聞笛

唐李白

永初寺是長三樂部

日可作

誰家玉笛暗飛聲。散入春風滿洛城。此夜曲中聞折柳。何人不起故園情。

秋夜聞笛

元薩都刺

何人吹笛秋風外。北固山前月色寒。亦有江南未歸客。徘徊終夜倚闌杆。

胡笳曲

唐王昌齡

城南虜已合。一夜幾重圍。自有金笳引。能沾出塞衣。聽臨關月苦。清入海風微。三奏高樓曉。征人掩淚歸。

邊上胡笳

唐杜牧

何處吹笳薄暮天。塞垣高鳥沒狼煙。遊人一聽頭堪白。

胡征一作

蘇武爭禁十九年

聽曉角

唐李益

邊霜昨夜墮關榆。吹角當城片月孤。無限塞鴻飛不度。秋風吹入小單于。

晚泊潤州聞角

唐李涉

孤城吹角水茫茫。曲引邊聲旅思長。驚起暮天沙上鴈。海門斜去兩三行。

江宿聞蘆管

唐鄭谷

塞曲淒清楚水濱。聲聲吹出落梅春。須知風月千橋下。亦有胡蘆河畔人。

木魚

明瞿佑

長廊懸挂發鯨音。鱗甲光芒欲倍尋。跳躍幸離生孔海。空虛已斷去來心。聞黎課密鐘常早。長者恩多水共深。龍象有靈能拱護。不隨波浪去浮沉。

拍板

朱灣

赴節心常在。從繩道可觀。須知片木用。莫向散材看。空為歌偏苦。仍愁和即難。既能親掌握。願得接同歡。

方響

唐杜牧

數條秋水挂琅玕。玉手丁當怕夜寒。曲盡連敲三四下。恐驚珠淚落金盤。

聞方響

元王暉

丁東鏗戛碎瓊琳。掩盡朱絃窈渺音。花外粉牆遮不斷。珮環清徹洞房深。

風箏

唐司空曙

高風吹玉柱。萬籟忽齊飄。颯樹遲難度。縈空細漸消。松泉鹿門夜。笙鶴洛濱朝。坐與真僧聽。支頤向寂寥。

又

唐高駢

夜靜絃聲響碧空。宮商信任往來風。依稀似曲纔堪聽。又被風吹別調中。

檐馬 即風鈴

明瞿佑

鍊鐵能成八駿形。渾身堅甲四蹄輕。向空騰踏風塵動。  
逐隊回旋劍戟鳴。粧閣香消驚曉夢。畫堂月轉起秋聲。  
玉關路阻金河遠。牽付將軍致太平。

吟牛言選卷三

樂部 附錄

宿瑩公禪房聞梵

唐李頎

花宮僊梵遠微微。月隱高城鐘漏稀。夜動霜林驚落葉。  
曉聞天籟發清機。蕭條已入寒空靜。颯沓仍隨秋雨飛。  
始覺浮生無住著。頓令心地欲皈依。

秋夜北山精舍觀體如師梵

唐劉長卿

焚香奏僊唄。向夕遍空山。清切兼秋遠。威儀對月閒。  
靜分巖響答。散入海潮還。幸得風吹去。隨人到世間。

府試中元節觀道流步虛

唐殷堯泰

玄都開秘醮。白石禮先生。上界秋光淨。中元夜景清。  
星

醮一作錄

水勿寺是卷五樂部

上

辰朝帝列鷺鶴步虛聲。玉洞花長發。珠宮月最明。掃壇  
天地肅。授簡鬼神驚。倘賜刀圭藥。還成不死名。

以牛言選卷五附錄

巧藝部

題王右丞山水障子

唐張祜

精華在筆端。咫尺匠心難。日月中堂見。江湖滿座看。夜  
凝嵐氣溼。秋浸壁光寒。料得昔人意。平生詩思殘。

又

右丞今已歿。遺畫世間稀。咫尺江湖盡。尋常禽鳥飛。山  
光全在掌。雲氣欲生衣。以此常為玩。平生滄海機。

題千里山水長幅

元鄧文原

蒼山高處白雲浮。樓閣參差帶遠洲。千尺虬龍依絕壁。  
一羣鸛鶴啖清秋。山翁有約憑雙屐。野客無心遡碧舟。

自是霜林好風景。居然尺五見丹丘。

題可老所藏徐明叔畫卷

宋朱子

羣峰相接連。斷處秋雲起。雲起山更深。咫尺看千里。

題畫

明劉球

水抱孤村遠。山通一徑斜。不知深樹裏。還住幾人家。

千里江山圖

金李俊民

筆下江山取志成。一峰未盡一峯生。憑誰試向人間問。

水郭煙村第幾程。

題山水卷

元錢選

胸中得酒出屏顏。木葉森森歲暮殘。落墨不隨嵐氣暝。

志恐次  
誤

幾重山色幾重瀾。

蜀道畫圖

唐杜甫

日臨公館靜。畫列地圖雄。劔閣星橋北。松州雪嶺東。華

夸山不斷。吳蜀水相通。興與煙霞會。清樽幸不空。

襄陽圖

唐徐安貞

畫得襄陽郡。依然見昔遊。峴山思駐馬。漢水憶迴舟。丹

壑常含霽。青松不換秋。畫圖空咫尺。千里意悠悠。

金陵圖

唐韋莊

誰謂傷心畫不成。畫人心逐世人情。君看六幅南朝事。

老木寒雲滿故城。

水刀寺是六工巧藝部

三



片雲圖

唐岑參

雲片何人畫。塵侵粉色微。未曾行雨去。不見逐風歸。只怪偏凝壁。回看欲惹衣。丹青忽借便。移向帝鄉飛。

水墨松石

唐方干

三世精能舉世無。筆端狼籍見功夫。添來勢逸陰崖黑。潑處痕輕灌木枯。垂地寒雲吞大漠。過江春雨入全吳。蘭堂坐久心彌惑。不是山川是畫圖。

畫松

唐僧景雲

畫松一似真松樹。且待尋思記得無。曾在天台山上見。石橋南畔第三株。

題喬夫人墨竹

金元好問

萬葉千稍下筆難。一枝新綠儘高寒。不知霧閣雲窗晚。幾就扶疎月影看。

題畫蘭

明文徵明

手培蘭蕙兩三栽。日煖風微次第開。坐久不知香在室。推窗時有蝶飛來。

扇上畫牡丹

唐羅隱

為愛紅芳滿砌堆。教人扇上畫將來。葉隨綵筆參差長。花逐輕風次第開。閒挂幾曾停蛺蝶。頻搖不怕落莓苔。根生無地如僊桂。疑是嫦娥月裏栽。

題扇面荷花

明曹鼎

玉井芙蓉紅粉腮。何人移向月中裁。高軒忽漫看圖畫。疑是昭陽鏡裏開。

寫真

唐僧淡交

圖形期自見。自見却傷神。已是夢中夢。更逢身外身。水花凝幻質。墨彩染空塵。堪笑余兼爾。俱為未了人。

題唐六如紅拂妓

明文徵明

六如居士春風筆。寫得蛾眉妙有神。展卷不禁雙淚落。斷腸原不為佳人。

門神

附張幼

功名一紙笑空虛。也比凌煙畫影初。每到殘年催致仕。却逢新曆當除書。衣冠濫買光朱戶。靈爽難邀式敝廬。腹負將軍癡宰相。赫然相對立何如。

畫鶴

唐宋之問

粉壁畫僊鶴。昂藏真氣多。鸞飛竟不去。當是戀恩波。

西洋畫

附沈又彭

巍巍宮闕絕塵埃。萬戶千門迤邐開。堪望不堪身入玩。疑看蜃氣幻樓臺。

觀棋

唐釋子蘭

拂局盡涓時。能因長路遲。點頭初得計。格手待無疑。寂

知

默親遺景。凝神入過思。共歲多少意。不語兩相如。

觀弈

明 吳寬

高樓殘雪照棋枰。坐覺窗間黑白明。袖手自甘終日飽。苦心誰惜兩雄爭。豪鷹欲擊形還匿。怒蟻初交陣已成。却笑面前岐路滿。蘇張何事學縱橫。

官莊池觀競渡

唐 儲光義

落日吹簫管。清池發棹歌。船爭先後渡。岸激去來波。水葉藏魚鳥。林花間綺羅。踟躕僊女處。猶似望天河。

鞦韆

宋 洪覺範

畫架雙裁翠絡偏。佳人春戲小樓前。飄揚血色褰拖地。

挂一作  
擘

斷送玉容人上天。天花板潤沾紅杏雨。綵繩斜挂綠楊烟。下來閒處從容立。疑是蟾宮謫降僊。

又

明 謝遷

日轉畫堂樹影偏。謝家庭院簇神僊。綵繩斜引纖纖筍。畫板輕乘步步蓮。弄玉未升雲漢上。綠珠先墮綺樓前。不知小徑殘紅裏。明日何人拾翠鈿。

蹴鞠

明 錢福

蹴鞠當場二月天。僊風吹下兩嬋娟。汗沾粉面花含露。塵撲蛾眉柳帶煙。翠袖低垂籠玉筍。紅裙斜曳露金蓮。幾回蹴罷嬌無力。恨殺長安美少年。

永勿寺裝卷五 巧藝部

七

踢球

明馬如玉

腰支孃孃力微微。滾滾紅塵拂羽衣。掩月鬢邊星獨墜。石榴裙底鳳雙飛。

傀儡吟

唐玄宗

刻木牽絲作老翁。雞皮鶴髮與真同。須臾弄罷寂無事。還似人生一夢中。

影戲

明瞿佑

燈火光中夜漏遲。風輪旋轉競奔馳。過來有跡人爭覩。散去無聲鬼不知。月地花階頻出沒。雲窗霧閣暫追隨。一場變幻如春夢。線索重看傀儡嬉。

器用部

銅儀

元揭傒斯

法象坤儀重。來從汴水邊。飛龍纏四極。黃道界中天。望絕秋毫末。循環太古前。荒臺明月夜。歷歷應星躔。

寒漏

唐皇甫冉

清冬洛陽客。寒漏建章臺。出禁因風徹。縈窗共月來。偏將殘瀨襍。乍與遠瀉哀。遙夜重城警。流年滴水催。閒齋堪坐聽。况有故人杯。

尚書郎上直聞春漏

唐杜牧

地即尚書省。人惟鶴鷺行。審時傳玉漏。直夜遞星郎。歷

歷聞僊暑冷冷出建章。自空來斷續。隨月散淒鏘。物靜知聲近。寒輕覺夜長。聽餘殘月落。曙色滿東方。

謝許鍊師惠圖書

明危進

茅山許史舊諸孫。還向僊臺臥白雲。竹外畫沙迷鶴跡。花間引水泛鷺羣。蒼崖翠刻金書字。丹井銀牀玉篆文。蝌蚪蚤收東觀上。幾人相倚播清芬。

題印囊

唐皮日休

金篆方圓一寸餘。可憐銀艾未思渠。不知夫子將心印。印破人間萬卷書。

車

唐李嶠

電一作雪添一作黍

天子馭金根。蒲輪闢四門。五神趨電至。雙轂似雷奔。丹鳳棲金輅。非熊載寶軒。無階添虛左。珠乘奉王言。

和李秋谷平章小車詩

元虞集

雪晴宮草隱晴沙。相國朝天識帝車。班馬晝移温室樹。鳴鑿晨度掖垣花。寨帷每命賢俱載。趣駕頻煩使至家。此日龍門誰執御。擁經正履侍金華。

舟

唐李嶠

征棹三江暮。連檣萬里迴。相鳥風際轉。畫鷁浪前開。羽客乘霞至。僊人弄月來。何當同傳說。特展巨川材。

採蓮舟

明瞿佑

依紅泛綠往來頻。載得盈盈一段春。荷葉叢深難問路。瓜皮樣小恰容身。撐歸別浦飄香袖。擢入回塘動白蘋。幾度風來聞笑語。隔花應有斷腸人。

放舟

唐杜甫

翠十一  
作大

送客滄溪縣。山寒雨不開。直愁騎馬滑。故作泛舟回。青惜峰巒過。黃知橘柚來。江流翠自在。坐穩興悠哉。

秋夜泛舟

唐劉方平

林塘夜泛舟。蟲響荻颼颼。萬影皆因月。千聲各為秋。歲華空復晚。鄉思不堪愁。西北浮雲外。伊川何處流。

秋夜船行

唐嚴維

扁舟時屬暝。月上有餘輝。海燕秋還去。漁人夜不歸。中流何寂寂。孤棹也依依。一點前村火。誰家未掩扉。

夜泛

明黎淳

四溟波浩浩。一葦向空渡。月近星斗寒。始識天上路。

夜船

唐韓偓

野雲低迷煙蒼蒼。平波揮目如凝霜。月明船上簾幙捲。露重岸頭花木香。村遠夜深無火燭。江寒坐久換衣裳。誠知不覺天將曙。幾簇青山鴈一行。

小舫

唐白居易

小舫一艘新造了。輕裝梁柱庫安蓬。深芳靜岸遊應遍。

坊芳一作

淺水低橋去盡通。黃柳影籠隨棹月。白蘋香起打頭風。  
慢牽欲傷櫻桃泊。借問誰家花最紅。

憶釣舟

唐吳融

青山小隱枕潺湲。一葉垂綸幾泝沿。後浦春風隨興去。  
南塘秋雨有時眠。慣衝曉霧驚羣鷓。愛颭殘陽入亂煙。  
迴首無人寄惆悵。九衢塵土困揚鞭。

帆

唐皇甫冉

一帆何處去。正在望中微。浦迴搖空色。汀迴日落暉。每  
爭高鳥度。能送遠人歸。偏似南浮客。悠揚無所依。

江帆

唐羅鄴

別離不獨恨蹄輪。渡口風帆發更頻。何處青樓方凭檻。  
半江斜日認歸人。

使風

唐韓偓

茶香睡覺心無事。一卷黃庭在手中。欹枕捲簾江萬里。  
舟人不語滿帆風。

賦秤送人

唐包何

願以金秤錘。因君贈別離。鈎懸新月吐。衡直衆星隨。掌  
握須平執。銖鎰必盡知。由來披分審。莫放弄權移。

中和節詔賜公卿尺

唐裴度

陽和行慶賜。尺度及羣工。寵荷乘佳節。傾心立大中。短

寵  
荷  
恐  
倒

永勿寺是卷五器用部

七

長思合製遠近貴攸同。共荷裁成德將酬。分寸功作程  
施有用。垂範播無窮。願續延洪壽。千春奉聖躬。

屏

唐 袁恕已

綺閣雲霞滿。芳林草樹新。鳥驚疑欲曙。花笑不關春。山  
對彈琴客。溪流垂釣人。請看車馬跡。行處有風塵。

寒林石屏風

唐 僧無悶

草堂無物件。身閒唯有屏。風枕簟間本向他山求。得石  
却於石上看他山。

帷

唐 李嶠

久閉先生戶。高褰太守襦。羅將翡翠合。錦逐鳳凰舒。明

車一作

月彈琴夜。清風入幌初。方知決勝策。黃石受兵書。

簾

清風時入燕。紫殿幾含秋。曖曖籠靈閣。纖纖上玉鉤。窗  
中翡翠動。戶外水精浮。巧作盤龍勢。長迎飛燕遊。

又

唐 萬 楚

玳瑁昔稱華。璽瓏薄絳紗。鉤銜門勢曲。節亂水紋斜。日  
弄長飛鳥。風搖不捲花。自當分內外。非是為驕奢。

又

唐 羅 隱

疊影重紋映畫堂。玉鉤銀燭共熒煌。會應曉得神仙在。  
休下真珠十二行。

曉得一  
作得見



琉璃簾

元馬祖常

吳儂巧製玉璽瓏。翡翠蝦鬚迥不同。萬縷橫陳銀色界。一塵不入水精宮。月華遠射離離白。燈影斜穿細細紅。相隔神僊纔咫尺。靈犀一點若為通。

獲周豐鼎見博古圖第三卷銘六字

元趙孟頫

豐鼎制特小。周人風故淳。摩挲玉質潤。拂拭翠光勻。鑄法觀來妙。銘文考更真。平生篤好古。對此興彌新。

香鴨

唐徐寅

不假陶鎔妙。誰教羽翼全。五金池畔質。百和口中煙。嘴

鈍魚難啄。心空火自然。御爐如有闕。須進聖君前。

別春爐

唐白居易

煖閣春初入。溫爐興漸闌。晚風猶冷在。夜火且留看。獨宿相依久。多情欲別難。誰能共天語。長遣四時寒。

手爐

附張劭

松灰籠煖袖。先知銀葉香。飄篆一絲頂。絳梅花平出網。腰環竹節臥生枝。不愁凍玉基難燃。且喜元霜筆易持。縱使詩家寒到骨。陽春腕底已生姿。

燈

唐李商隱

皎潔終無倦。煎熬亦自求。花時隨酒遠。雨夜背窗休。冷

元亦避諱

暗黃茅驛。暄明紫桂樓。錦囊名畫掩。玉局敗棋收。何處  
無佳夢。誰人不隱憂。影隨簾柙轉。光信篔文流。客自勝  
潘岳。儂今定莫愁。固應留半燭。迴照下帷羞。

又

唐鄭谷

兩向莎階滴未休。冷光孤恨兩悠悠。船中間鴈洞庭宿  
牀下有蛩長信秋。背照翠簾新灑別。不挑紅燼正含愁。  
蕭騷寒竹南窗靜。一局閒棋為爾留。

又

唐徐寅

分影由來恨不同。綠窗孤館兩何窮。熒煌短燭長疑暗  
零落殘花旋委空。幾處隔簾愁夜雨。誰家當戶怯秋風。

宿一作  
夜灑一  
作泣

莫言明滅無多事。曾比人生一世中。

又

唐韓偓

高在酒樓明錦幙。遠隨漁艇泊烟江。古來幽怨皆銷骨  
休向長門背雨窗。

書燈

元謝宗可

吾伊聲裏漏初長。願供丹心吐寸光。萬古分明看簡冊  
一生照耀付文章。芸經清逼蘭膏煖。花燼時粘竹汗香。  
明日金蓮供草制。幾人風露在秋堂。

書舍寒燈

元葉顥

青燈黃卷伴更長。花落銀缸午夜香。異日長檠珠翠處

苦心寒燄莫相忘

蓮燈

元謝宗可

萬點芙蓉午夜芳。醉看疑是水雲鄉。蘭缸照破西湖夢。  
火樹燒殘太液香。焰煖應愁擊夜雨。燼寒不為倒秋霜。  
元宵庭院東風曉。零落紅衣繞畫梁。

水燈

波明焰煖晚風間。泡影飛來鏡裏看。萬點芙蓉開碧沼。  
一天星斗落水盤。珠浮赤水光猶溼。火浴丹池夜未乾。  
照破魚龍波底夢。幽宮不怕五更寒。

走馬燈

和名未和里阿年土

颺輪擁騎駕炎精。飛繞人間不夜城。風鬣追星來有影。  
霜蹄逐電去無聲。秦軍夜潰咸陽火。吳炬宵馳赤壁兵。  
更憶雕鞍年少日。章臺踏碎月華明。

鬪雞燈

明瞿佑

怒拔爭機下絳臺。月明照見影毵毵。彩鸞舞鏡腸應斷。  
丹鳳迎陽尾乍開。五德有名終氣合。兩雄相厄未心灰。  
孟韓聯句誰能續。燒盡東風畫燭煤。

鞋燈

弓樣新裁瘦不禁。分明一掬照花陰。凌波未試響響玉。  
踏月還生步步金。細蕾先開傳密意。赤繩雙繫結同心。

少年前度相看處。惟恨秋千別院深。

燈花

唐韓愈

今夕知何夕。花燃錦帳中。自能當雪煖。那肯待春紅。缸裏排金粟。釵頭綴玉蟲。更煩將喜事。來報主人公。

又

元謝宗可

誰分春色上銀臺。小草梢頭吐燼煤。丹萼擎烟深夜結。朱蕤噴火背陽開。陰窗對酒分詩罷。旅館敲棋待客來。願得東君膏澤滿。芳心一點不成灰。

挑燈杖

和名如花多天木

唐駱賓王

稟質非貪熱。焦心豈憚熬。終知不自潤。何處用脂膏。

燭

唐太宗

九龍幡焰動。四照逐花生。即此流高殿。堪持代月明。

蠟燭

唐鄭谷

僊漏遲遲出建章。宮簾不動透清光。金闈露白新裁詔。畫閣春紅正試粧。淚滴杯盤何所恨。燼飄蘭麝暗和香。多情更有分明處。照得歌塵下燕梁。

燭剪

和名忘年起里

附張劭

張起飛蛾兩翅空。煙花採遍露盤中。分膏香染金鷄紫。去蠹光流玉樹叢。騷客詩窗煩刻韻。佳人繡幕藉催工。一枝也勝吳剛斧。斫退重陰徹夜紅。

線香

明瞿佑

搗麝篩檀入範模。潤分薇露合雞蘇。一絲吐出青煙細。半炷燒成玉筋麤。道士每占經次第。佳人惟驗繡工夫。軒窗几席隨宜用。不待高擎鵲尾爐。

魏城馬南瑞以異香見遺為賦

元毛麾

梅心蘭甲類元同。氣壓荀家百和功。借潤更煩纖手玉。出雲初試博山銅。崇朝日下亭亭蓋。三月花間細細風。我有因緣在香火。鼻端消息為君通。

香桌

明瞿佑

雕檀斲梓樣新奇。霧閣雲窗任轉移。金獸小身平立處。

玉人纖手並擡時。輕烟每向穿花見。細語多因拜月知。有約不來閒凭久。麝煤煨盡獨敲棋。

木炭

明朱之蕃

墨沼蒼龍蛻骨堅。冰霜難犯地爐邊。送來雪裏寒威重。領取春回煖律先。炙手何勞爭倚附。熏心喜見息風烟。烏金聲價真相稱。不朽精神藉火傳。

煙

唐徐寅

燎野焚林見所從。惹空橫水展形容。能滋甘雨隨車潤。不並行雲逐客蹤。晴島迴籠嘉樹薄。春亭嬌幕好花濃。有時片片風吹去。海碧山青過幾重。

遠煙

唐 僧處默

藹藹前山上凝光滿薜蘿高風吹不斷遠樹得偏多翠  
與晴雲合輕將淑氣和正堪流野目休問意如何

南至日隔仗望含元殿爐煙

唐 崔立之

毘旒初負宸弁服盡朝天曛谷初移日金鑪漸起煙芬  
香縈篆獸散漫入貂蟬霜仗凝逾白朱旂映轉鮮始看  
浮闕在稍見逐風遷為沐皇家慶來瞻羽衛前

煙火戲

明 瞿佑

天花無數月中開五色祥雲繞絳臺隋地忽驚星彩散  
飛空頻作雨聲來怒撞玉斗翻晴雪勇踏金輪起疾雷

曾一在

更漏已深人漸散鬧竿挑得綵燈回

鏡

唐 姚合

鑄為明鏡絕塵埃翡翠窗前挂玉臺繡帶共尋龍口出  
菱花爭向匣中開孤光常見鸞踪在分處還因鵲影迴  
好是照身宜謝女嫦娥飛向月中來

古鏡

唐 闕名

舊是秦時鏡今藏古匣中龍盤初挂月鳳舞欲生風硯  
滴方諸水庭懸軒帝銅應祥知道泰鑑物覺神通肝膽  
誠難隱妍蚩豈易窮幸依君子室長得免塵封

又

唐 僧若虛

蒙封一作

人堪將此  
一作真  
堪比

軒後紅爐獨鑄成。蘇痕磨落月輪呈。萬般物象皆能鑿。  
一箇人心不可明。匣內乍開鸞鳳活。臺前高挂鬼神驚。  
百年肝膽堪將此。只怕頻看素髮生。

對鏡

金完顏壽

鏡中色相類吾深。吾面終難鏡裏尋。明月印空空受月。  
是他空月本無心。

扇

唐李嶠

翟羽舊傳名。蒲葵價不輕。花芳不滿面。羅薄詎障聲。禦  
熱含風細。臨秋帶月明。同心如可贈。持表合歡情。

又

唐徐寅

為發涼颺滿玉堂。每親襟袖便難忘。霜凝雪暗知何在。  
道契時來忽自揚。曾伴一樽臨小檻。幾遮殘日過迴廊。  
漢宮如有秋風起。誰信班妃淚數行。

摺疊扇

明瞿佑

開閣清風紙半張。隨機舒卷豈尋常。金環並束龍腰細。  
玉柵齊編鳳翅長。偏稱遊人攜袖裏。不勞侍女執花傍。  
宮羅舊賜休相妬。還汝團圓共夜涼。

牀

唐李嶠

傳說有象牀。疇昔獻君王。玳瑁千金起。珊瑚七寶粧。桂  
筵含相栢。蘭席拂沉香。願奉羅帷夜。長承秋月光。

傳說宜  
傳聞相  
栢一相  
栢馥作

白角簟

唐羅鄴

疊玉駢珪巧思長。露華煙魄讓清光。休搖雉尾當三伏。似展龍鱗在一牀。高價不唯標越絕。冷紋疑是臥瀟湘。杜陵他日重歸去。偏稱醉眠松桂堂。

席

唐李嶠

避坐承宣父。重筵揖戴公。桂香浮半月。蘭氣襲回風。舞拂丹霞上。歌清白雪中。佇將文綺色。舒捲帝王宮。

決明甘菊枕

明朱之蕃

驚枕重勞石枕寒。無如藥裹最相安。剖來珠蚌光堪掬。採積金英秀可餐。布被煖香欺錦帳。竹牀清氣敵蒲團。

休論返黑方瞳炯。藜寢通宵即大丹。

蒲團

附張劭

元亦避諱

千絲水葉細成編。百結平沉在下邊。僊竈坐殘雲共冷。佛燈趺老月同圓。不特摸索非逃釋。隨意工夫也入元。莫笑山家閒骨董。幾人能得此清緣。

龍杖

元謝宗可

鱗甲光搖玉一枝。幽宮躍出袖中持。多因掌握提攜晚。休恨飛騰變化遲。緩策不愁山雨溼。醉橫常有野雲隨。會看挂壁風雷起。莫待詩翁過葛陂。

紅藤杖

唐白居易



交親過滌。別車馬到江迴。唯有紅藤杖。相隨萬里來。

湘竹杖寄無住

元宋 无

采向湘江古廟邊。得來賈客木蘭船。老宜泉石措慵態。嗔稱煙霞倚瘦肩。宴坐夜和金錫懃。經行春卓紫苔穿。知師道價神龍護。莫漫騰空去九天。

水晶念珠

唐曹松

等量紅縷貫晶熒。盡道勻圓別未勝。鑿斷玉潭盈尺水。琢成金地兩條冰。輪時祇恐星侵佛。挂處常疑露滴僧。幾度夜深尋不著。琉璃為殿月為燈。

竹夫人

元謝宗可

胸次瓊瓏粉黛羞。宵征何必抱衾裯。應無雲雨三更夢。自有冰霜六月秋。盡節每曾陳諷刺。虛心那解老溫柔。專房不怕蛾眉妬。只恐西風動別愁。

錫婆

明瞿佑

困倚蒲團罷煮湯。一團和氣有商量。生來不作閒雲雨。老去偏多熱肺腸。金母有心同壽域。竹奴無意妬專房。布衾紙帳風霜夜。始信溫柔別有鄉。

織錦機

綠紗窗下響咿啞。知是秦川第幾家。五色染成長命縷。雙頭挽就合歡花。只愁轉軸勞筋力。莫謾投梭損齒牙。

不似繡牀閒坐倦。自將辛苦作生涯。

熨衣斗

有柄何曾挹酒漿。隨時用舍屬閨房。斡旋天上陽和氣。平貼人間錦繡香。翠袖捲紗移玉腕。金篝分火近牙牀。衣成遠寄征夫去。印顆何時肘後黃。

擣衣石

一方滑淨絕苔錢。才屬秋閨響可傳。長夜未央風陣急。美人相對月華圓。高於鳳闕黃金礎。厚勝花階綠玉磚。幾度晚涼眠不得。丁東聲到客愁邊。

聞砧

金 麗 權

帖 一作

玉關消息到長安。處處砧聲擣夜闌。想得月殘音響斷。一燈清照剪刀寒。

剪刀

和右波佐味

唐 徐 寅

寶持多用繡為囊。雙目交加兩鬢霜。金匣掠平花翡翠。綠窗裁破錦鴛鴦。初裁連理枝猶短。誤縮同心帶不長。欲製縕袍先把看。質非紉綺愧銛銛。

又

明 瞿 佑

巧製工夫百煉鋼。特來閨閣共行藏。雙環對展魚腸快。兩股齊開燕尾張。針線有功憑製造。綺羅無價任裁量。隨機鏤出新花樣。長在佳人玉指傍。

水初特製器用部

三

茶鐺

有耳原非鼎鼐材。只宜烹茗待賓來。煖分道室金丹火。冷撥山房鐵筋灰。車轉羊腸聲漸急。香浮雀舌夢初回。若教移對舒州杓。又屬詩人舉酒杯。

題真上人竹茶爐

明王紱

僧館高閑事事幽。竹編茶竈滄清流。氣蒸陽羨三春雨。聲帶湘江兩岸秋。玉臼夜敲蒼雪冷。翠甌晴引碧雲稠。禪翁託此重開社。若箇知心是趙州。

貢餘祕色茶盞

唐徐寅

捩碧融青瑞色新。陶成先得貢吾君。巧窈明月染春水。

輕旋薄冰盛綠雲。古鏡破苔當席上。嫩荷涵露別江濱。中山竹葉香初發。多病那堪中十分。

山樽

唐李白

蟠木不雕飾。且將斤斧疎。樽成山嶽勢。材是棟梁餘。外與金罍並。中涵玉醴虛。慚君垂拂拭。遂忝玳瑁居。

螺杯

元謝宗可

香醕浮螳入旋渦。半殼蒼瓊費琢磨。應愧美人盤寶髻。且供豪客捲金波。尊中綠照珠光潤。掌上春擎海氣多。安得滄溟俱變酒。垂涎終日飲如何。

夜光杯

明朱之蕃

王昌令集  
山樽在漁  
舟

鬚螺盤繞隱東洋。吸得瑤空寶月光。孕出圓珠能照乘。  
剖開素質待飛觴。晶瑩絕勝金樽艷。華彩渾添玉液芳。  
浮白江天遙騁望。酒星垂耀正更長。

酒旗

元謝宗可

水村山郭酒初香。紵影青青字一行。壚畔低懸花霧溼。  
檐陰斜揭柳風涼。指揮意馬衝愁陣。搖曳心旌入醉鄉。  
惆悵步兵招不起。半竿空自舞斜陽。

藥鼎

明瞿佑

白雪紅鉛自有花。何須勾漏問丹砂。香烟滿屋結蒼霧。  
丹氣穿林生紫霞。修鍊欲通三島路。烹調不入五侯家。

鬚作頭

彌明豈識君臣品。惟把龍鬚豕腹誇。

藥臼

明沈周

山翁治藥斫雲根。枵腹中容海月吞。擣過砂牀剩金糝。  
煉餘石髓膩青痕。無銘錯認周王鼓。有竅真移玉女盆。  
採朮人來識清杵。數聲遙在杏花村。

花瓶

明瞿佑

香泉一勺淨無塵。小器翻成席上珍。密把英華齊藉口。  
虛將心腹暗藏春。送行不是沙頭玉。引恨原非井底銀。  
貪揀俏枝停久立。闌中偏稱曉粧人。

錢篋

水勺字是宋工器用部

三

停久立  
一作停  
之久

器小纔堪貯百千也勝撲滿費陶甄書生紙裊真堪笑  
鄰女香囊亦可憐野步不須鞋上繫市沽何用杖頭懸  
畫義更有黃州竹取用隨時合自然

象牙梳

不與豪門製寶牀晨昏用舍屬蘭房一鉤獨現雲鬢側  
八字平分翠鬢傍溪女莫誇銀櫛貴宮嬪空愛玉釵長  
從教座上無油木勸酒行看出艷粧

眼鏡

附張劭

冷光匣底出霏微黑蝶分張翅欲飛星隔絳河雙耿耿  
月懸銀海並輝輝朦朧透霧花能辨黯淡依燈草易揮

大阮不愁青白廢圓冰自解發清機

水晶環

唐羅維

王室符長慶環中得水精任圓循不極見素質仍貞信  
是天然瑞非因璞斲成無瑕勝玉美至潔過冰清未肯  
齊珉價寧同襍珮聲能銜任黃雀亦欲應時明

碧甸指環

明瞿佑

一點萍星露指尖分明界破玉纖纖眼看翠鬢侵銀甲  
手弄花鈿出鏡奩懷寶自知承寵厚賜環誰妬受恩兼  
鳳德更索柔荑染紅綠爭春色倍添

玉指環

附張邵

把索作

一。彊。細。珠。費。工。夫。黃。雀。銜。來。入。袖。羅。戒。取。井。欄。沉。辱。女。  
潔。爭。月。暈。抱。嫦。娥。初。拈。春。筍。雙。穿。滑。微。褪。紅。痕。淺。印。多。  
記。得。韋。郎。親。脫。贈。再。生。攜。手。不。消。磨。

斧

明解縉

斲。削。羣。材。到。鳳。池。良。工。良。器。兩。相。資。他。季。好。攜。朝。天。去。  
伐。取。蟾。宮。第。一。枝。

鋸子

曲。邪。除。盡。不。疑。猜。昔。日。公。輸。巧。製。來。正。是。得。人。輕。借。力。  
定。然。分。別。棟。梁。材。

釣絲

元謝宗可

晚一作午

臨。流。纖。影。眾。鱗。驚。消。得。長。縑。一。縷。輕。鉤。隨。亂。縈。春。水。碧。  
竿。垂。斜。裊。晚。風。清。牽。回。江。上。煙。波。夢。掣。斷。人。間。富。貴。情。  
我。欲。笑。攜。千。尺。去。桃。花。浪。裏。拔。鯤。鯨。

花牆

附張劭

曳。粉。飄。香。一。燾。斜。翦。裁。應。費。護。春。家。繡。旗。女。子。威。儀。盛。  
錦。織。夫。人。號。令。賒。插。並。金。鈴。搖。赤。羽。懸。從。翠。帳。映。紅。牙。  
出。遊。已。擁。花。神。仗。不。怕。封。姨。妬。彩。霞。

青

唐荆冬倩

地。關。天。光。遠。春。還。月。道。臨。草。濃。河。畔。色。槐。結。路。傍。陰。未。  
映。君。王。史。先。標。冑。子。襟。經。明。如。可。拾。自。有。致。雲。心。

明言選卷三

胭脂

元謝宗可

僊花和露搗芳塵。駐得宮娥不老春。香暈紅潮生玉頰。  
煖融絳蠟點櫻唇。渭流漲膩人應遠。宮井流斑恨愈新。  
鏡倚綠窗嬌夢醒。素纖微醮晚粧勻。

煙筒

附陳業

截得篔簹竹。裝成一勺宜。煙雲時吐納。杖履慣追隨。  
直欲凌茶椀。還堪敵酒卮。嗙邊與夢後。正爾繫相思。

朝承

蘇可作

蘇可作

襍玩部

鰲山

明瞿佑

燈火元宵擁翠微。飛來海上是耶非。樓臺夜識金銀氣。  
嶺岫春回日月輝。龍伯國人垂釣去。水宮僊子步塵歸。  
女媧立極多勞苦。不似東風錦繡圍。

觀鰲山

明唐寅

禁籬森嚴夜寂寥。燈山忽見翠岩堯。六鰲並駕神僊府。  
雙鵲聯成帝子橋。星振珠光鋪錦繡。月分金影亂瓊瑤。  
顧身已自登巖嶺。何必秦姬奏洞簫。

骰子

明瞿佑

骰子

樗蒲局裏任提擲。圓轉隨時效滑稽。力士賜緋心獨喜。媚孃雙陸夢多迷。深藏玉手拈羅帕。輕打牙盤刻樹雞。却憶咸陽客舍裏。呼盧喝雉燭花低。

又

明馬湘蘭

一塊堅貞骨。翻成面面心。自從遭點後。拋擲到如今。

雙陸

元謝宗可

彩。斝。清。響。押。盤。飛。曾。記。唐。宮。為。賜。緋。影。入。空。梁。殘。月。在。聲。隨。征。馬。落。星。稀。重。門。據。險。應。輸。擲。數。點。爭。雄。莫。露。機。惟。恨。懷。英。諄。敵。手。御。前。奪。取。翠。裘。歸。

紙鳶

和名如乃保里

孤。鸞。穩。駕。剡。谿。雲。多。少。兒。童。仰。羨。頻。半。紙。飛。騰。元。在。已。一。絲。高。下。豈。隨。人。聲。馳。空。碧。東。風。曉。影。度。遙。天。化。日。春。誰。道。致。身。無。羽。翼。迴。看。高。舉。絕。紅。塵。

又

附張劭

畫。裏。休。看。郭。恕。先。巧。糊。片。楮。作。翩。躚。影。馳。空。碧。搖。雙。帶。聲。過。行。雲。鼓。一。絃。避。雨。飛。來。芳。草。地。乘。風。游。遍。綠。楊。天。黃。昏。人。倚。樓。頭。望。添。箇。紅。燈。到。上。邊。

泥孩兒

和名如乃保里

附魏允札

是。許。寧。馨。物。居。然。在。席。端。難。邀。上。客。賞。易。博。小。兒。歡。粉。膩。綠。粧。點。泥。融。本。控。搏。何。曾。無。面。目。畢。竟。沒。心。肝。幾。見。



頽堪鑿。誰云秀可餐。一朝仍化土。冷落白蘋灘。

戲咏不倒翁

和名楚揚州法師

附 吳偉業

掉首浮生半紙輕。一丸封就任縱橫。何妨失足貪遊戲。不耐安眠欠老成。儘受推排偏倔強。敢煩扶策自支撐。却遭桃梗妍皮誚。此內空空浪得名。

繭虎

和名吳登細工羅

南山五月鏡奩開。綵索春蔥縛軼材。奇物巧從蠶館製。內家親見豹房來。越巫辟惡鏤金勝。漢將擒生畫玉臺。最是繭絲添虎翼。難將續命詆牛哀。

繭花

和名吳登波表

附 張 劭

素苞黃蕊結離離。玉蛹生來不蠹奇。陌上採桑催信早。宮中翦綵鬪芳淫。抽從園客絲纏辦。插向蠶娘艷煖枝。只有晉陽裁處好。穩無風雨擾花期。

爆竹

明 黎 淳

自憐結束小身材。一點芳心未肯灰。時節到來寒焰發。萬人頭上一聲雷。

咏物詩選卷第五終

咏物詩選卷第五 樓玩部

三

咏物詩選卷第六目錄

魏塘俞 琰長仁輯

玉帛部

玉

唐李嶠

珠

唐李嶠

奉試明堂火珠

唐崔曙

珊瑚

附錢鏐

水精

唐韋應物

琉璃

唐元稹

琥珀

唐元稹

咏物詩選卷第六目錄

咏物詩選卷第六目錄

金

唐李嶠

銀

唐李嶠

錢

唐徐寅

錦

唐鄭谷

繡

唐羅隱

綾

唐李嶠

羅

唐李嶠

高氏姊惠素羅

元鄭允端

布

唐李嶠

冠服部

蘇花冠

唐項斯

酬贈葛巾

唐王維

華陽巾

唐徐牧

又

唐陸龜蒙

白油帽

唐錢起

簞笠

唐陸龜蒙

答友人惠牙簪

唐章孝標

包頭

明梁小玉

賀盧員外賜緋

唐段成式

賜錦袍

唐劉兼

謝賜衣

明高啟

端午日賜衣

唐杜甫

新製綾襖成感而有咏

唐白居易

竹衫

附張劭

漁蓑

元謝宗可

半臂

附張劭

襪

唐杜牧

賦得履

明高啟

機鞋

附張劭

繡鞋

明錢福

睡鞋

附張劭

複裙

唐蕭麟

被

唐李嶠

虎皮褥

明瞿佑

紙帳

元謝宗可

尚書筵中咏紅手帕

唐徐寅

鮫綃帕

明瞿佑

飲食部

謝青餼飯

唐皮日休

酬寄餼粥

唐李商隱

明詩選卷六

粉丸

明吳寬

粉麵

元許有壬

茶

宋林逋

嘗茶

唐劉禹錫

峽中嘗茶

唐鄭谷

嘗雲芝茶

元劉秉忠

對茶

元孫淑

故人寄茶

唐曹鄴

尚書惠蠟面茶

唐徐寅

雪煎茶

元謝宗可

茶烟

明瞿佑

酒

唐翁綬

屠蘇酒

明瞿佑

菖蒲酒

明瞿佑

對酒

唐王建

看歷新醅

唐陸龜蒙

又

唐皮日休

河南府試鄉飲酒

唐呂溫

侍宴甘泉殿

唐李嶠

廣達樓下夜侍醑宴應制

唐蘇頲

永初寺題卷六目錄

秋夜宴臨津鄭明府宅 唐 杜審言

前塘夜宴留別郡守 唐 張蠙

陪金陵府相中堂夜宴 唐 韋莊

長安春舍叙邵陵舊宴懷永門蕭使君 唐 曹唐

又 唐 曹唐

糟魚 元 王暉

糖霜 元 洪希文

豆腐 附 張勛

梅醬 附 張勛

雲母散 唐 白居易

人參 唐 皮日休

病中宜茯苓寄李諫議 唐 吳融

煙 附 胡然

果部 唐 李嶠

李 唐 李嶠

食梅 明 費宏

梅 宋 黃庭堅

桃 唐 李嶠

勅賜百官櫻桃 唐 王維

以物言通卷六

白櫻桃

唐 韋 莊

楊梅

明 徐 階

謝丘師楊梅

宋 楊萬里

枇杷

宋 楊萬里

榴火

明 朱之蕃

棗

後秦 趙 整

栗熟

宋 朱 子

梨

宋 劉子翬

奉和揀貢橘

唐 張 彤

謝惠春橘

唐 陸龜蒙

佛手柑

明 朱多炆

金柑

明 錢士升

柿

明 陳汝秩

銀杏

宋 楊萬里

荔枝

唐 徐 寅

又

唐 徐 寅

龍眼

明 王象晉

橄欖

宋 蘇 軾

葡萄

明 馮 琦

又

唐 韓 愈

水物詩選卷六目錄

六

乃中言博考之

又

蓮實

元張芳洲

蓮

金張檝

觀貢藕

唐温庭筠

賜藕

唐趙嘏

菱

明李東陽

食西瓜

唐李嶠

紅瓢瓜

元方夔

穀部

明瞿佑

觀稻

明石沆

郊堂檢校刈稻

唐杜甫

插秧

宋范成大

米

附俞琰

麥

明申時行

麥浪

明瞿佑

蠶豆

附張劭

豇豆

附吳偉業

蔬部

題菜

元貢性之

擷菜

宋蘇軾

水切寺...目錄



詠物詩選卷六

附張劬

紫芥

明吳寬

蓴菜

明徐桂

蘆菹

元許有壬

嘗山藥

明銜崧

謝姜寬送芋子

明費宏

王瓜

附張劬

絲瓜

宋趙梅隱

薑

宋劉子翬

花椒

宋劉子翬

終目

詠物詩選卷第六

魏塘俞 琰長仁輯

玉帛部

玉

唐李嶠

映石先過魏。連城欲向秦。洛陽陪勝友。燕趙類佳人。方  
水晴虹媚。常山瑞馬新。徒為下和識。不遇楚王珍。

珠

燦爛金輿側。璽瓏玉殿隈。昆池明月滿。合浦夜光迴。彩  
逐靈蛇轉。形隨舞鳳來。甘泉宮起罷。花媚望風臺。

奉試明堂火珠

唐崔曙

正位開重屋。凌空出火珠。夜來雙月滿。曙後一星孤。天  
淨光難滅。雲生望欲無。遙知太平代。國寶在名都。

珊瑚

附錢鑿

石家擎出獨稱高。七尺瓊瓏映綺寮。不識瓊枝來海底。  
却疑火樹燦元宵。

水精

唐韋應物

映物隨顏色。含空無表裏。持來向明月的。礫愁成水。

琉璃

唐元稹

有色同寒水。無物隔纖塵。象筵看不見。堪將對玉人。

琥珀

會為老茯神。本是寒松液。蚊蚋落其中。千年猶可覲。

金

唐李嶠

南楚標前貢。西秦識舊城。祭天封漢嶺。擲地警孫聲。向  
日披沙淨。含風振鐸鳴。方同楊伯起。獨有四知名。

銀

思婦屏輝掩。遊人燭影長。玉壺初下箭。桐井共安牀。色  
帶長河色。光浮滿月光。靈山有珍甕。僊闕薦君王。

錢

唐徐寅

多蓄多藏豈足論。有誰還議濟王孫。能於禍處翻為福。  
解向讎家買得恩。幾怪鄧通難免餓。須知夸甫不曾言。

朝爭暮競歸何處。盡入權門與倖門。

錦

唐鄭谷

文君手裏曙霞生。美號曾聞借蜀城。奪得始知袍更貴。著歸方覺畫偏榮。宮花顏色開時麗。池鳳毛衣浴後明。禮部郎官人所重。省中別好占窠名。

繡

唐羅隱

一片綠羅如錦貂。洞房西室女工勞。花隨玉指添春色。鳥逐金針長羽毛。蜀錦謾誇聲自貴。越綾虛說價功高。可中用作鴛鴦被。紅葉枝枝不碍刀。

綾

唐李嶠

借宜作  
借名作  
君

金縷通秦國。為裘措魏名。落花遙寫霧。飛鶴近圖雲。馬眼冰陵影。竹根雪霰文。何當畫秦女。烟際坐氤氳。

羅

妙舞隨裙動。行歌入扇清。蓮花依帳發。秋月鑒帷明。雲薄衣初捲。蟬飛翼轉輕。若珍三代服。同擅綺紈名。

高氏姊惠素羅

元鄭允端

雪色香羅照眼明。阿兄寄贈見深情。明朝急為裁春服。相約麻姑禮上清。

布

唐李嶠

御績勅羲皇。緇冠表素王。瀑飛臨碧海。火浣擅炎方。孫

炎方一  
作炎卿

佇一作  
但未曉  
一作未  
接

被登三相。劉衣闡四方。佇因春斗粟。未曉棣華芳。

冠服部

薜花冠

唐項斯

塵汗出華髮。慙君青薜冠。此身閒未得。終日戴。應難好。就松陰挂。宜當枕石看。會須尋道士。簪去繞霜壇。

酬贈葛巾

唐王維

野巾傳惠好。茲貺重兼金。嘉此幽棲物。能齊隱吏心。蚤朝方暫挂。晚沐更來簪。坐覺鬢塵遠。思君共入林。

華陽巾

唐徐牧

剪霧裁雲勝角冠。來從玉洞五雲端。醉宜薤葉欹斜影。穩稱菱花仔細看。野客愛留籠鶴髮。溪翁爭乞配魚竿。

真僊首飾勞相寄。塵土翻慚戴去難。

又

唐陸龜蒙

蓮花峰下得佳名。雲褐相兼上鶴翎。須是古壇秋霽後。靜焚香炷禮寒星。

白油帽

唐錢起

薄質慚加首。愁陰幸庇身。卷舒無定日。行止必依人。已沐脂膏惠。寧辭雨露頻。雖同客衣色。不染洛陽塵。

箛笠

唐陸龜蒙

朝攜下楓浦。晚戴出烟艇。冒雪或平簷。聽泉時友頂。颺移靄然色。波亂危如影。不識九衢塵。終年居下洞。

答友人惠牙簪

唐章孝標

牙簪不可忘。來處隔炎荒。截得半輪月。磨成四寸霜。曉辭梳齒膩。秋入髮根涼。好是紗巾下。纖纖錐出囊。

包頭

明梁小玉

輕霞薄霧小香羅。傷著蟬鬟香更多。最愛春山縹緲上。橫粧一帶淺青螺。

賀盧員外賜緋

唐段成式

雲雨軒懸鶯語新。一篇佳句占陽春。銀黃年少偏欺酒。金紫風流不讓人。連壁座中斜日滿。貫珠歌裏落花頻。莫辭倒載嗟歸去。明月東山又吐茵。

錫錦袍

唐劉兼

十月芙蓉花滿枝。天庭驛騎賜寒衣。將同玉蝶侵肌冷。也遣金鵬遍體飛。夜臥始知多忝竊。晝行方覺轉光輝。深冬若得朝天闕。大華峰前衣錦歸。

謝賜衣

明高啓

臚呼遙捧賜。拜服望蓬萊。香帶爐烟下。光迎扇月開。奇文。天女織。新樣內官裁。被澤徒深厚。慚無奪錦才。

端午日賜衣

唐杜甫

宮衣亦有名。端午被恩榮。細葛含風軟。香羅疊雪輕。自天題處溼。當暑著來清。意內稱長短。終身荷聖恩。

恩宣作情

新製綾襖成感而有吟

唐白居易

水波文裊造新成。綾軟綿勻溫復輕。晨興好擁向陽坐。晚出宜披踏雪行。鶴氅毳疎無實事。木棉花冷得虛名。宴安往往歡侵夜。臥穩昏昏睡到明。百姓多寒無可救。一身獨暖亦何情。心中為念農桑苦。耳裏時聞飢凍聲。爭得大裘長萬丈。與君都蓋洛陽城。

竹衫

附張劭

齊腰卉服亦消炎。穿就幽篁異織簾。魚網篩風涼易透。鮫絲辟水汗難粘。身逃張鷹裁應好。心愛王猷著未嫌。莫怪眼中微有刺。此君元與熱人砭。

漁簑

元謝宗可

翠結香莎付釣舟。一竿風雨不須愁。苔磯夜泊披寒去。  
葦岸昏歸帶溼收。月冷籠衣眠舵尾。天晴隨網晒船頭。  
羊裘莫笑狂奴錯。也著煙波萬頃秋。

半臂

附張劭

何須全錦表風華。雅便詩翁手八叉。短覆鶯毛翎未滿。  
雙披荷葉藕微遮。休疑割袖香初斷。却喜隨肩煖易加。  
底事曲江人醉去。忍寒不顧笑情奢。

韞

唐杜牧

鈿尺裁量減四分。纖纖玉筍裹輕雲。五陵年少欺他醉。

笑把花前出畫裙。

賦得履

明高啟

穩稱遊方脚。新徧楚岸蒲。滑欺峰頂石。危怯世間途。輕  
曳愁妨蟻。高飛笑化鳧。上堂聲每衆。度嶺影還孤。著處  
朝行道。拋時夜結趺。空山欲相訪。落葉去踪無。

襪鞋

附張劭

海樹奇毛織就輕。道人放脚有閒情。雙飛紫鳳凌山起。  
逐步清風入夏生。詩上繡宜隨拂挂。畫中看稱採芝行。  
只休送與珠裝客。不曉紅塵去走名。

繡鞋

明錢福

幾日深閨繡得成。看來便覺可人情。一彎煖玉凌波小。  
兩瓣秋蓮落地輕。南陌踏青有跡。西廂立月夜無聲。  
看花又溼蒼苔露。晒向窗前趁晚晴。

睡鞋

張劭

樣減銷金軟勝綿。象牀斜坐試將眠。纖纖縫就雲分瓣。  
窄窄兒來月上弦。未怯春風吹衫鳳。只愁夜雨溼紅蓮。  
玉郎瞥見心先醉。索傍銀燈掌上憐。

複裙

唐蕭麟

晶晶金紗淨。離離寶縫分。纖腰非學楚。寬帶為思君。  
被

唐李嶠

桂友尋東閣。蘭交聚北堂。象筵分錦繡。羅薦合鴛鴦。光  
逸偷眠穩。王章泣恨長。孔懷欣共寢。棣萼獎含芳。

虎皮褥

明瞿佑

南山遺害已驅除。裁就文茵任捲舒。不製征鞍隨將士。  
却登講席奉師儒。夜無惡夢來燈下。晝有威風起座隅。  
每向高堂鋪設處。能令馮婦亦回車。

紙帳

元謝宗可

清懸四壁剡溪霜。高臥梅花月半牀。繭襲有天春不老。  
瑤臺無夜雪生香。覺來虛白神光發。睡去清閒好夢長。  
一枕總無塵土氣。何妨留我白雲鄉。



尚書筵中咏紅手帕

唐徐寅

鶴綾三尺曉霞濃。送與東家二分容。羅帶繡裙輕好繫。藕絲紅縷細初縫。別來拭淚遮桃臉。行去包香蘭粉胸。無事把將纏皓腕。為君池上折芙蓉。

鮫綃帕

明瞿佑

繭結扶桑出海濱。遠隨機杼倩鮫人。不裁洛浦凌波襪。能代湘川拭淚巾。紫麝熏香收汗潤。影毫傳恨寄情真。吳綾輕薄番羅俗。出袖宜同掌上珍。

彩  
影宜作

飲食部

謝青餛飩

和名南天兔志

唐皮日休

傳得三元餛飩飯。名大宛間說有僊。卿分泉過屋春青稻。拂霧影衣折紫莖。蒸處不教雙鶴見。服來惟怕五雲生。草堂空坐無饑色。時把金津漱一聲。

酬寄餛飩

唐李商隱

粥香餛飩白杏花。天省對流鶯坐綺筵。今日寄來春已老。鳳樓迢遞憶鞦韆。

粉丸

和名須臾陀年古

明吳寬

淨淘細碾玉霏霏。萬顆完成素手稀。鬚上輕圓真易拂。

腹中磊塊更堪圍。不勞劉裕呼方旋。若使陳平食愛肥。既飽有人頻咳唾。席間往往落珠璣。

料麪

和石曾波後利

元許有壬

坡遠花全白。霜輕實便黃。杵頭麩退墨。磴齒雪流香。玉葉翻盤薄。銀絲出漏長。元宵貯膏火。蒸墨笑南鄉。

茶

宋林逋

石碾輕飛瑟瑟塵。乳香烹出建谿春。世間絕品人難識。閒對茶經憶古人。

嘗茶

唐劉禹錫

生怕芳叢鷹嘴芽。老郎封寄謫僊家。今宵更有湘江月。

照出霏霏滿盃花。

峽中嘗茶

唐鄭谷

簇簇新英摘露光。小江圍裏火煎嘗。吳僧謾說鷓山好。蜀叟休誇鳥觜香。合座半甌輕泛綠。開緘數片淺含黃。鹿門病客不歸去。酒渴更知春味長。

嘗雲芝茶

元劉秉忠

鐵色皺皮帶老霜。含英咀美入詩腸。舌根未得天真味。鼻觀先通聖妙香。海上精華難品第。江南草木屬尋常。待將膚湊侵微汗。毛骨生風六月涼。

對茶

元孫淑

園一作固

小閣烹香茗。疎簾下玉鉤。燈光翻出鼎。釵影倒沉甌。婢捧消春困。親嘗散暮愁。嗟詩因坐久。月轉晚粧樓。

故人寄茶

唐曹鄴

劔外九華英。緘題下玉京。開時微月上。碾處亂泉聲。半夜招僧至。孤吟對月烹。碧沉霞腳碎。香泛乳花輕。六腑睡神去。數朝詩思清。月餘不敢費。留伴肘書行。

尚書惠蠟面茶

唐徐寅

武夷春暖月初圓。採摘新芽獻地仙。僊飛鵲印成香蠟片。啼猿溪走木蘭船。金槽和碾沉香末。冰碗輕涵翠縷烟。分贈恩深知最異。晚鐙宜煮北山泉。

雪煎茶

元謝宗可

夜掃寒英煮綠塵。松風入鼎更清新。月團影落銀河水。雲腳香融玉樹春。陸井有泉應近俗。陶家無酒未為貧。詩脾奪盡豐年瑞。分付蓬萊頂上人。

茶煙

明瞿佑

濛濛漠漠更霏霏。淡抹銀屏羃講帷。石鼎火紅詩咏後。竹爐湯沸客來時。雪飄僧舍衣初溼。花落觥船鬢已絲。惟有庭前雙白鶴。翩然趨避獨先知。

酒

唐翁綬

逃暑迎春復送秋。無非綠蟻滿杯浮。百年莫惜千回醉。

一盞能消萬古愁。幾為芳菲眠細草。曾因雨雪上高樓。平生名利關身者。不識狂歌到白頭。

屠蘇酒

明瞿佑

紫府仙人授寶方。新正先許少年嘗。八神奉命調金鼎。一氣回春滿絳囊。靈液夜流千尺井。春風曉入九霄觴。便將鳳曆從頭數。日日持杯訪醉鄉。

菖蒲酒

採得靈根傍藕塘。祇因佳節屆端陽。金刀細切傳纖手。玉笋輕浮送異香。廚薦鮭魚冰作餠。盤供角黍蔗為漿。同時節物充筵會。縱飲何妨入醉鄉。

對酒

唐王建

為病比來渾斷絕。緣花不免却知聞。從來事事關身老。主領春風只在君。

看壓新醅

唐陸龜蒙

曉壓糟牀漸有聲。旋如荒澗野泉清。身前古態熏應出。世上愁痕滴合平。飲啄斷年同鶴儉。風波終日看人爭。樽中若使常能綠。兩綬通侯總強名。

又次韻

唐皮日休

一簣松花細有聲。旋將渠椀撇寒清。秦吳只恐篋來近。劉項真應釀得平。酒德有神多客頌。醉鄉無貨没人爭。

重一作醅

渠一作粟

含一作  
合底一  
作姓

五湖烟水郎山月。含向樽前問底名。

唐呂溫

河南府試鄉飲酒

酌言雖舊典。刈楚始登堂。百拜賓儀盡。三終樂奏長。來  
同鶯出谷。坐比鴈成行。禮罷知何適。隨雲入帝鄉。

侍宴甘泉殿

唐李嶠

月宇臨丹地。雲窗網碧紗。御筵陳桂醕。天酒酌榴花。水  
向浮橋直。城連禁苑斜。承恩恣歡賞。歸路滿烟霞。

廣達樓下夜侍醑宴應制

唐蘇頌

東岳封回宴洛京。西壙通曉會公卿。樓臺絕勝宜春苑。  
燈火還同不夜城。正觀人間朝市樂。忽聞天上管絃聲。

醑來萬舞羣臣醉。喜戴千年聖主明。

秋夜宴臨津鄭明府宅

唐杜審言

行止皆無地。招尋獨有君。酒中堪累月。身外即浮雲。霜  
白宵鐘徹。風清曉漏聞。坐攜餘興往。還似未離羣。

前塘夜宴留別罷守

唐張蠙

四方騷亂一州安。夜列樽罍伴客歡。篋篋調高山閣迥。  
蝦蟇聲促海濤寒。屏間珮響藏歌妓。幕外刀光立侍官。  
沉醉不愁歸棹晚。晚風吹上子陵灘。

陪金陵府相中堂夜宴

唐韋莊

滿耳笙歌滿眼花。滿樓珠翠勝吳娃。因知海上神仙窟。

只似人間富貴家。繡戶夜攢紅燭。市舞衣晴曳碧天霞。却愁宴罷青娥散。楊子江頭月半斜。

長安春舍叙郤陵舊宴懷永門蕭使君

唐曹唐

郤陵佳樹碧龍葱。河漢西沉宴未終。殘漏五更傳海月。清笳三會揭天風。香熏舞席雲鬟綠。光射頭盤蠟炬紅。今日却思行樂處。兩牀絲竹水樓中。

又

不知何路却飛翻。虛受賢侯鄭重恩。五夜清歌敲玉樹。三季洪飲倒金樽。招攜永感雙魚在。報答空知一劍存。

狼籍梨花滿城月。當時長醉信陵門。

糟魚

元王暉

霜刀截斫玉腴芳。暖貯銀罌釀粉漿。錦尾帶頰傳內品。金盤堆雪喜初嘗。解醒未減黃柑美。雋味能欺紫蟹香。一筋饜餘乘醉臥。夢橫滄海聽鳴榔。

糖霜

元洪希文

春餘甘蔗榨為漿。色美鶯兒淺淺黃。金掌飛僊承瑞露。板橋行客履新霜。攜來已見堅冰漸。嚼過誰傳餐玉方。輸與雪堂老居士。牙盤瑪瑙妙稱揚。

豆腐

附張幼

水初寺選卷一飲食部

漉珠磨雪溼霏霏。煉作瓊漿起素衣。出匣寧愁方璧碎。  
戛羹常見白雲飛。蔬盤慣襍同羊酪。象箸難挑比髓肥。  
却笑北平思食乳。霜刀不截粉酥歸。

梅醬

枝北枝南採作漿。紫蘇添釀碧嬰香。不須鹽豉和羹下。  
儘有甘泉攪味長。澗齒解醒良可喜。攢眉飲水亦何傷。  
七菹好付醯人手。萬縷酸風夏欲涼。

雲母散

唐白居易

曉霧雲英漱井華。寥然身若在烟霞。藥銷日晏三匙飯。  
酒渴春深一碗茶。每夜坐禪觀水月。有時行醉玩風花。

淨名事理人難解。身不出家心出家。

人參

唐皮日休

神草延年出道家。是誰披露記三椹。開時的定涵雲液。  
斲後還應帶石花。名士寄來消酒渴。野人煎處撒泉華。  
從今湯劑如相續。不用金山焙上茶。

病中宜茯苓寄李諫議

唐吳融

千年伏菟帶龍鱗。太華峰頭得最珍。金鼎曉煎雲漾粉。  
玉甌寒貯露含津。南宮已借徵詩客。內署今還托諫臣。  
飛檄愈風知妙手。也須分藥救漳濱。

烟

和名多波古

附胡然

博物志卷之六  
流播自遐方。爭看帶火嘗。辟寒同麩蘖。解渴勝茶湯。堪助唵哦趣。能增齒頰香。霏霏呼吸處。雲霧滿衣裳。

果部

李

唐李嶠

時一作特

潘岳閒居日。王戎戲陌辰。蝶遊芳徑馥。鶯囀弱枝新。葉暗青房晚。花明玉井春。方知有靈幹。時用表真人。

食梅

明費宏

夏木陰陰雨氣寒。半黃微顆摘林端。齒輸赤子先拚軟。省為蒼生故自攢。調劑功微慚玉鉉。賜沾恩重憶金盤。一株留取當階樹。贏得花時索笑看。

梅

宋黃庭堅

帶葉連枝摘未殘。依依茶塢竹籬間。相如病渴應須此。



莫與文君蹙遠山

桃

唐李嶠

獨有成蹊處。穠華發井傍。山風凝笑臉。朝露泣啼粧。隱士顏應改。仙人路漸長。還欣上林苑。千歲奉君王。

勅賜百官櫻桃

唐王維

芙蓉闕下會千官。紫禁朱櫻出上闌。纔是寢園春薦後。非關御苑鳥銜殘。歸鞍競帶青絲籠。中使頻傾赤玉盤。飽食不須愁內熱。大官還有蔗漿寒。

白櫻桃

唐韋莊

王母堦前種幾株。水晶簾外看如無。只應漢武金盤上。

瀉得珊珊白玉珠

楊梅

明徐階

折來鶴頂紅。猶溼剗破龍睛血。未乾若使太真知。此味荔枝焉得到長安。

謝丘師楊梅

宋楊萬里

梅出稽山世少雙。情知風味勝他楊。玉肌半醉生紅粟。墨暈微深染紫囊。火齊堆盤珠徑寸。醴泉浸齒蔗為漿。故人解寄吾家果。未變蓬萊閣下香。

枇杷

大葉聳長耳。一梢堪滿盤。荔枝多與核。金橘却無酸。兩

壓低枝重漿流水齒寒長卿今在否莫遣作園官

榴火

明朱之蕃

天付炎威與祝融海波如沸沃珍叢飛將寶鼎千重燄  
煉就丹砂萬點紅自抱赤衷迎曉日應慚艷質媚春風  
農家穎實需甘雨愁擬焚林望碧空

棗

後秦趙整

北園有一樹布葉垂重陰外雖多棘刺內實有赤心

栗熟

宋朱子

樹襍倚桐繼國風莫教林下長蒿蓬共期秋實充腸飽  
不羨春華轉眼空病起數升傳藥錄晨興三嘸學仙翁

櫻桃浪得銀絲薦一笑纔堪面發紅

梨

宋劉子翬

尚想飛花映綺疏離離秋實點塵蕪丹腮曉露香猶薄  
玉齒寒冰啗欲無舊有佳名傳大谷誰分靈種下僊都  
柘漿不用傳金椀猶得相如病少蘇

奉和揀貢橘

唐張彤

凌霜遠涉太湖深雙捲朱旗望橘林樹樹籠烟疑帶火  
山山照日似懸金行看採摘方盈手暗覺馨香已滿襟  
揀選封題皆盡力無人不感近臣心

謝惠春橘

唐陸龜蒙

到春猶作九秋鮮。應是親封白帝烟。良玉有漿須讓味。  
明珠無類亦羞圓。堪居漢苑霜梨上。合在仙家火棗前。  
珍重更過三十子。不堪分付野人邊。

佛手柑

明朱多炆

春雨空花散。秋霜碩果低。牽枝出織素。隔葉卷柔荑。指  
豎禪師悟。拳開法嗣迷。疑將灑甘露。似欲攬伽梨。色現  
黃金界。香分肉麝臍。願從靈運後。接引證菩提。

金柑

明錢士升

密密金丸不禁偷。最憐懸著樹梢頭。老人口腹原無分。  
留待深秋供兩眸。

柿

明陳汝秩

晚風吹雨過林廬。柿葉飄紅手自書。無限瀟瀟江海意。  
一樽相對憶鱸魚。

銀杏

宋楊萬里

深灰淺火略相遭。小苦微甘韻最高。未必鷄頭如鴨腳。  
不妨銀杏作金桃。

荔枝

唐徐寅

朱彈星丸燦日光。綠瓊枝散小香囊。龍綃殼綻紅紋粟。  
魚目珠涵白膜漿。梅熟已過南嶺雨。橘酸空待洞庭霜。  
蠻山蹋曉和烟摘。拜捧金盤獻越王。

又

日日薰風捲瘴烟。南園珍果荔枝先。靈鴉啄破瓊津滴。寶器盛來蚌腹圓。錦里只聞消醉渴。蕊宮惟合贈神仙。何人刺出猩猩血。深染羅紋遍殼鮮。

唐徐寅

龍眼

明王象晉

何緣喚作荔枝奴。艷冶丰姿百果無。琬液醇和羞沆瀣。金丸玃瓌賽璣珠。好將姑射仙人產。供作瑤池王母需。應共荔丹稱伯仲。况兼益智策勲殊。

橄欖

宋蘇軾

紛紛青子落紅鹽。正味森森苦且嚴。待得微甘回齒頰。

已輸崖蜜十分甜。

葡萄

明馮琦

晻曖繁陰覆綠苔。藤枝蘿蔓共縈迴。自隨博望僊槎後。詔許甘泉別殿栽。的的紫房含雨潤。疎疎翠幄向風開。詞臣消渴沾新釀。不羨金莖露一杯。

又

唐韓愈

新莖未徧半猶枯。高架支離倒復扶。若欲滿盤堆馬乳。莫辭添竹引龍鬚。

又

元張芳洲

間道乘槎客。相攜到漢庭。何緣嘗草日。先自入醫經。

蓮實

金張檝

水妃擎出紺珠囊。玉筍雕盤喜乍嘗。膚白已攙新藕嫩。心清猶帶小荷香。鬪餘翠鳥零珍羽。飛盡黃蜂露蜜房。口腹累人良可笑。此身便欲老江鄉。

蓮

唐溫庭筠

綠塘搖艷接星津。軋軋蘭橈入白蘋。應為洛神波上襪。至今蓮葉有香塵。

觀貢藕

唐趙嘏

野艇幾西東。清唼映碧空。寒衣來水上。奉玉出泥中。葉亂田田綠。蓮餘片片紅。激波來入選。就日已生風。御潔

璽瓏膳人懷拔擢功。梯山謾多品。不與世流同。

賜藕

明李東陽

祇向名花看畫圖。忽驚僂骨在泥塗。輕同握雪愁先碎。細比餐冰聽却無。郭北芳菲懷故里。江南風味憶西湖。渴塵此夜消應盡。未羨金莖與玉壺。

菱

唐李嶠

鉅野韶光暮。東平春溜通。影搖江浦月。香引棹歌風。日色翻池上。潭花發鏡中。五湖多賞樂。千里望難窮。

食西瓜

元方夔

恨無纖手削駝峰。醉嚼寒瓜一百筒。縷縷花衫粘唾碧。

痕痕丹血搯膚紅。香浮笑語牙生水。涼入衣襟骨有風。  
從此安心師老圃。青門何處問窮通。

紅瓢瓜 即瓜

明瞿佑

採得青門綠玉房。巧將猩血沁中央。結成晞日三危露。  
瀉出流霞九醞漿。溪女洗花新染色。山翁鍊藥舊傳方。  
賓筵滿把瑛盤釘。雪藕調冰倍有光。

穀部

觀稻

明石沅

稻水千區映。村烟幾處斜。冷風低起樹。輕浪細浮花。鳥  
雀深深圃。鳧鷖淺淺沙。社歌聲不絕。於此見年華。

郊堂檢校刈稻

唐杜甫

香稻三秋末。平田百頃間。喜無多屋宇。幸不碍雲山。御  
袂侵寒氣。嘗新破旅顏。紅鮮終有日。玉粒未吾慳。

插秧

宋范成大

種密移疎綠毯平。行間清淺穀紋生。誰知細細青青草。  
中有豐年擊壤聲。

米

后稷遺嘉種。收來寶並珠。眼看一粒粟。貴賤命相須。

附俞琰

麥

明申時行

芄芄秀色挺來牟。片片黃雲似水流。風作跳波時隱見。雨添新漲乍沉浮。晴畦錦漾千層澱。寒隴濤生四月秋。却怪狂瀾頻起陸。湯教文偉賦中愁。

麥浪

明瞿佑

翠濤無際拍天浮。水氣生涼四月秋。路隔隴頭高抵岸。人騎牛背穩如舟。腥風只恐藏魚鱉。雪羽頻看起鷺鷗。滄海桑田何足怪。黃雲割盡見平疇。

穀  
恐穀  
誤

蠶豆

和名曾良未免

附張劭

白花翠莢傷畦低。桑女輕筐採更攜。磊磊綠珠嵌鳳眼。紛紛紅袖剝香泥。煮連晚筍縲車響。鬪向新茶布穀啼。真味田家諍不少。薰風一頃夕陽西。

豇豆

和名佐計

附吳偉業

綠畦過驟雨。細束小虹蜺。錦帶千條結。銀刀一寸齊。貧家隨飯熟。餉客借糕題。五色南山豆。幾成桃李谿。

博物志卷六

三

蔬部

題菜

元 貢性之

西風吹動錦爛斑。曉起窺園露未乾。三日宿醒醒不得。正思風味到辛盤。

擷菜

宋 蘇軾

秋來霜氣滿東園。蘆菔生兒芥有孫。我與何曾同一飽。不知何苦食鷄豚。

諸葛菜

附張 劭

扶疎紫翠應炎精。野藪能將大姓爭。花史標堪垂不朽。草廬種豈傷先生。分叢尚托躬耕意。匝地空留割據情。

人勿守是菜一蔬部

五



已見敷榮遍吳魏蜀都賦裏不須名

紫芥

明吳寬

滿目爛斑布地來。春風驚見錦灰堆。菜根作苦終嫌咬。茗葉浮香為撥開。何處兔葵嗟競掇。昨朝馬蘭悔多栽。傳聞此種番邦致。用向中華亦楚材。

萼菜

和名紫芥波

明徐桂

波心未吐心如結。水葉初齊葉尚含。脂似凝膚柔繞指。轉教風味憶江南。

蘆菔

和名大根

元許有壬

性質宜沙地。栽培屬夏畦。軟登甘似芋。生薦脆如梨。老

病消凝滯奇功直。品題故園長尺許。青菜更堪壘。

嘗山藥

和名也末乃以毛

明銜崧

誰種山中玉。脩圓故自勻。野人尋得慣。帶雨斲來新。味益丹田暖。香凝石髓春。商芝亦何事。空負白頭人。

謝姜寬送芋子

和名以毛

明費宏

芋魁相送滿筠籠。應念冰盤苜蓿空。此日蹲鴟真損惠。當年黃獨湯衰窮。蒸時不厭葫蘆爛。煨處還思楮袖紅。自是菜根滋味好。萬錢誰復羨王公。

王瓜

和名加豆須字利

附張劭

匏葉藤花覆架涼。薦新老圃摘微黃。生逢是月先登曆。

種出誰家却姓王。按節祗同苦菜秀。談禪聊共紫茄香。  
金鑿玉薤沽還賤。未必烏衣子愛嘗。

絲瓜 名扁知末

宋趙梅隱

黃花褪束綠身長。白結絲包困曉霜。虛瘦得來成一捻。  
剛俚人面染脂香。

薑

宋劉子翬

新芽肌理膩。映日淨如空。恰似勻粧指。柔尖帶淺紅。

花椒 和名山椒

欣忻笑口向西風。噴出元珠顆顆同。採處倒含秋露白。  
晒時嬌映夕陽紅。調漿美著騷經上。塗壁香凝漢殿中。

鼎餼也應知此味。莫教薑桂獨成功。

咏物詩選卷第六終

早稲田大学図書館

011688992801